



Fidoyilik —
Vatanga xizmat demak!

2025-yil 17-iyul, payshanba,
81 (24.107)-son

O'zbek xalq
maqoli

Yurt egasi
yo'lbarsdir,
oldirgani
qo'ymasdir

1913-yil aprel oyidan chiqa boshlagan



www.zarnews.uz



https://www.facebook.com/zarnews.uz



@zarnews_uz



https://twitter.com/zarnews_uz

VATAN UCHUN, MILLAT UCHUN, XALQ UCHUN!



ЮНЕСКО

Самарқандни қадрлайди

Вилоят ҳокими вазифасини бажарувчи Адиз Бобоевнинг «Зарафшон» ва «Самаркандский вестник» газеталари бош муҳаррири саволларига жавоблари

- Адиз Музаффарович, самарқандликлар, айниқса, фаоллар сизнинг Парижга, ЮНЕСКО Умумжаҳон мероси қўмитасининг 47-сессиясида иштирок этиш учун борганингизни диққат билан кузатишди. Шундай бўлса-да, газетамиз орқали муштарийларимиз учун сафар таассуротлари ҳақида ўртоқлашсангиз.

- Аввало, шунини айтишим керакки, ушбу таширфнинг ҳеч ғайритабиий томони йўқ. Мамлакатимизда маданий меросга муносабат яхшилангани сайин тарихий объектларнинг атрофини обод қилиш, зиёратгоҳга айлантириш ишлари амалга оширилмоқда. Бундан ташқари, сайёҳликдан келаётган даромаднинг кўпайиши бизни

айнан эътибордаги тарихий обидаларимизни ободонлаштиришга чорламоқда. Бундай режалар албатта, ЮНЕСКО билан ҳамкорликда олиб борилган ва бундан кейин ҳам давом эттирилади.

- Демак, Парижга аниқ режалар билан борилган.

- Шундай. Имом Мотуридий обидаси атрофини ободонлаштириш, бу ерда зиёратчиларга қулайлик яратиш режаларини тасдиқлаштириш учун бордик. Бундан ташқари, Регистон, Шоҳи Зинда, Амир Темур мажмуаларида ҳам олиб бориладиган реставрация ишлари лойиҳаларини ҳам тақдим этдик.

(Давоми 2-саҳифада) >>>

VILOYAT HOKIMLIGINING ITALIYA KOMPANIYALARI BILAN KELISHUVIGA KO'RA:

- "I AM Unico" kompaniyasi bilan viloyatga kelgan turistlar uchun vertolyot xizmati tashkil etiladi;
- "Italy4East Internationalization" kompaniyasi bilan ekologik toza yog' ishlab chiqariladi;
- "Fasti" zargarlik mahsulotlari tayyorlanadi;
- "Maglificio TGV S.R.L." kompaniyasi bilan bo'yalgan tekstil matolari eksport qilinadi;
- "Clothfield S.R.L." bilan tekstil mahsulotlari eksporti amalga oshiriladi.

Mini futbol va futbol bo'yicha mahalla yoshlari o'rtasida o'tkazilgan "Davlat xavfsizlik xizmati kubogi" musobaqasining viloyat bosqichi yakunlandi.

Aytish joizki, mazkur musobaqalarda qatnashish uchun viloyatning barcha hududlarida istiqomat qilayotgan 90 ming nafardan ortiq yoshlar ro'yxatdan o'tgan. Musobaqaning mahalla, sektor, tuman va viloyat bosqichlarida futbol bo'yicha 39 ming 514 nafar, mini futbol bo'yicha yigitlar o'rtasida 27 ming 446 nafar, qizlar o'rtasidagi bahslarda 17 ming 953 nafar yoshlar ishtirok etgan.

Mini futbol bahslarining viloyat bosqichida o'g'il bolalar o'rtasida Toyloq tumanining Tepaqishloq mahallasi yoshlari birinchi o'rinni egallagan bo'lsa, qizlar o'rtasida Jomboy tumanining "Nafis" qizlar jamoasi bu yil ham g'oliblikni qo'lga kiritdi.

Samarqand shahridagi "Dinamo" o'yingohida futbol musobaqasining viloyat final o'yinida Qo'shrabot tumanining Shovona mahallasi va Ishtixon tumanining Qoraqishloq mahallasi yoshlari bellashdi.

O'yinning asosiy vaqtida hisob ochilmadi. Penaltilar seriyasida esa Qoraqishloq mahallasi

Jomboylik qizlar va ishtixonlik yigitlar DXX kubogi sohibi



lasi yoshlari Shovona mahallasi jamoasini 7:6 hisobida mag'lub qildi. Shuningdek, musobaqaning respublika bosqichiga yo'llanmani qo'lga kiritdi.

Futbol va mini futbol bo'yicha g'olib hamda sovrindorlarga medal, diplom va esdalik

sovg'alari topshirildi.

Taqdirlash marosimida viloyat hokimi vazifasini bajaruvchi A.Boboyev, DXX viloyat boshqarmasi boshlig'i N.Rahimov va boshqa mas'ullar ishtirok etdi.

F.R.O'ZIBOYEV.

Tashabbusli budjet:

Natijalar qanday bo'ldi?

Joriy yilgi tashabbusli budjet jarayonlarining 1-mavsumida viloyatimizdan 217 ta loyiha g'oliblikni qo'lga kiritdi va 319,1 milliard so'm mablag' ajratildi.

Loyihalarning 118 tasi yoki 54 foizi yo'llarni ta'mirlash, 53 tasi yoki 24 foizi maktablarni ta'mirlash va jihozlash, 5 tasi yoki 2 foizi bog'chalarni ta'mirlash, 19 tasi yoki 9 foizi sog'liqni saqlash muassasalarini ta'mirlash va jihozlash bilan bog'liq. Shuningdek, 4 ta yoki 2 foizi elektr energiyasi, 6 tasi yoki 3 foizi sport bilan bog'liq, 12 tasi yoki 6 foizi boshqa loyihalar hissasiga to'g'ri keldi.

Bugungi kunda mazkur obyektlarda loyihalash (63 ta), qurilish-ta'mirlash va xarid qilish (154 ta) ishlari davom etmoqda hamda 106,8 milliard so'm mablag' moliyalashtirildi.

Jumladan, Toyloq tumanida mahallalarni obodonlashtirish va aholi turmush tarzini yaxshilash borasidagi rejalari ishlab chiqarilgan bo'sqich amalga oshirilmog'ida va ichki yo'llar birma-bir ta'mirlanyapti.

Umuman, tashabbusli budjet loyihasi doirasida ham bir qator mahallalarning ichki yo'llariga asfalt qoplamasi yotqizildi.

Qo'rg'oncha mahallasi ochiq budjet loyihasida g'olib bo'lib, 1 milliard 499 million so'm mablag' ajratilgandi. Ushbu mablag' hisobidan mahalla ichki yo'lining qariyb 2,97 kilometrdan ko'proq qismiga asfalt yotqizilmog'ida.

Bulung'ur tumani Sulu-vqo'rg'on mahallasida ham ochiq



budjet dasturi asosida ichki yo'lga asfalt yotqizish ishlari amalga oshirilmoqda.

Shuningdek, Kattaqo'rg'on shahridagi 15-davlat maktabgacha ta'lim tashkilotida joriy ta'mirlash ishlari olib borilmoqda.

Eslatib o'tamiz, tashabbusli budjet jarayonlarining 2025-yil 2-mavsumiga 15-iyulda start berildi.

Bunda:

- Loyihalarni qabul qilish bosqichi (15-iyuldan 3-avgustgacha)
- Loyihalarni saralash (4-avgustdan 18-avgustgacha)
- Targ'ibot bosqichi (19-avgustdan 21-avgustgacha)
- Ovoz berish bosqichi (22-avgustdan 31-avgustgacha) o'tkaziladi.

G'oliblar 1-sentabr - O'zbekiston Respublikasi Mustaqillik kunida e'lon qilinishi rejalashtirilgan.

Viloyat iqtisodiyot va moliya bosh boshqarmasi axborot xizmati.

Partiyalar hayoti



Oliy Majlis Qonunchilik palatasidagi O'zbekiston Liberal-demokratik partiyasi fraksiyasi va mahalliy Kengashlardagi deputatlik guruhi a'zolari hamda partiya faollaridan iborat ishchi guruh viloyatda ijtimoiy-iqtisodiy rivojlantirish dasturlari ijrosi, tadbirkorlikni rivojlantirish, aholi bandligini ta'minlash masalalarida o'rganishlar olib bormoqda.

Muammolar o'rganilib, takliflar umumlashtirildi

Ishchi guruh a'zolari dastlab partiya viloyat kengashi xodimlari hamda tuman (shahar) kengashi raislari, apparat rahbarlari va deputatlik guruhi rahbarlari bilan uchrashdi. Suhbat davomida partiya, deputatlar ish faoliyatlarini jonlantirish va aholini tadbirkorlikka jalb qilish, mahallabay dasturlarini ishlab chiqishda deputatlarning o'rni shuningdek, shahar va mahallalarning master-rejalari ustida ishlashda deputatlik guruhi vakillaridan iborat jamoatchilik nazoratini kuchaytirish va mavjud muammolar muhokama qilinib, ularni bartaraf etish chora-tadbirlari belgilab olindi.

Shundan so'ng viloyat transport boshqarmasida aholiga jamoat transporti xizmati ko'rsatish ahvoli, sohadagi yutuq va muammolarni o'rganish bo'yicha sohada xizmat ko'rsatayotgan tadbirkorlar va soha vakillari bilan uchrashdi.

Ma'lum qilinishicha, viloyatda 170 ta tadbirkorlik subyektlari 3304 ta transport vositalari bilan aholiga xizmat ko'rsatmoqda. Shuningdek, 22761 ta fuqaro o'zini-o'zi band qilgan holda 23485 ta transport vositasi bilan yo'nalishsiz - o'zini o'zi band qilib, taksi xizmati ko'rsatadi. Viloyat bo'yicha 237 ta (+2 ta tramvay) yo'lovchi tashish yo'nalishlarida 600 ta avtobus, 20 ta tramvay vagoni, 160 ta mikroavtobus, 1861 ta «Damas» rusumli transport vositalari xizmat ko'rsatmoqda.

Savol-javoblarga boy bo'lgan uchrashuvda tadbirkorlar, soha vakillari jamoat transporti xizmati ko'rsatishdagi 10 dan ortiq muammoli masalalar bo'yicha o'z takliflarini, fikr-mulohazalarini bildirishdi.

Kunning ikkinchi yarmida ishchi guruh a'zolari "Samarqand hududiy elektr tarmoqlari korxonasi" da bo'lib, viloyatda elektr energiyasi ta'minotini yaxshilash, yangi loyihalarni amalga oshirish borasida amalga oshirilayotgan ishlarni o'rgandi.

Bugungi kunda viloyatda 929 ming 744 ta (880877 ta aholi, 48857 ta yuridik) iste'molchiga 146 dona podstantsiya, 14174 ta transformator punkti, 33094,2 kilometr tarmoq orqali elektr energiyasi yetkazib berilmoqda.



Ayni paytda mavjud transformatorlarning 5263 tasi yoki 36,4 foizi va yuqori kuchlanishli elektr uzatish tarmoqlarining 15976 kilometri yoki 48,3 foizi 40 yildan ortiq vaqt davomida ekspluatatsiya qilinib, texnik jihatdan eskirgan. Mavjud 542642 ta tayanchlarning 81 396 tasi ta'mirtalab holatga kelgan, 3 ming kilometr-dan ortiq qo'lbola elektr tarmoqlari mavjud.

Muloqot davomida mazkur muammolarni hal qilish bo'yicha davlat dasturlariga taklif kiritish bildirildi.

Shuningdek, ishchi guruh Oqdaryo tumanidagi kichik sanoat zonasida amalga oshirilayotgan ishlar bilan yaqindan tanishib, tumanda ishlab chiqarish salohiyatini oshirish, yangi ish o'rinlari yaratish xususida tadbirkorlar bilan suhbatlashdi. Payariq tumanida aholini band qilish, tomorqadan samarali foydalanishda amalga oshirilayotgan ishlar o'rganildi.

Uchrashuvlarda tadbirkorlikni rivojlantirish, to'morqadan samarali foydalanish orqali aholi bandligini ta'minlash va kambag'allikni qisqartirish, bo'sh ish o'rinlarini yaratish masalalari, shuningdek, viloyat va respublika miqyosida hal etiladigan muammolar to'g'risida fikr almashindi.

Joylarda o'tkazilgan uchrashuvlar davomida tadbirkorlar, fermerlar va dehqon xo'jaliklari hamda boshqa soha vakillari tomonidan bir qator masalalar yuzasidan takliflar berildi.

O'zLiDeP viloyat kengashi matbuot xizmati.

Шухрат Мўминов билан ўтган асрнинг 80-йилларида танишган эдик. Ўша пайтларда у эндигина Самарқанд давлат университетининг биология факультетини тугатиб, тумандаги 8-умумтаълим мактабида дарс бера бошлаган эди. Тўғриси, у билан тахрирлатда, туман марказида турли анжуманларда кўришиб қолсақ, суҳбатимиз тугай демасди. У билан адабиёт, республика, вилоят, туман миқёсидаги нашрларда чиқаётган мақолалар ҳақида фикрлашар, баъзида баҳслашиб ҳам қолардик. Унга бир неча марта "Сиз аслида биолог эмас, адабиётчи бўлишингиз керак эди", деб айтардим.

Аслида инсон қайси соҳада ишла-масин, жамият кўзгуси бўлган матбуот-ни кузатиб бориши, бадий адабиётдан баҳраманд бўлиши лозим. Шундагина яхши мутахассис бўлади. Кўп ўтмай, Ш.Мўминовнинг ўқувчилари биология, кимё фанларидан вилоят, республика миқёсидаги фан олимпиадаларида муваффақиятли иштирок этиб, совриндорлар сафидан жой эгаллади.

Жамиятдаги ислохотлардан бо-хабар, изланувчан Шухрат Мўминов кейинчалик ижроия ташкилотларида фаолият юритди. Туман аҳли орасида билимли ва тиришқоқ кадр сифатида обрўси ошди. Шунинг учун бўлса ке-рак, 1990 йилда ўзи истиқомат қилган жамоа ҳўжалигида (собиқ Карл Маркс

“Дипломи бўлса, зиёли дегани эмас”



номли) қатор оқсашларни кузатган туман раҳбарлари бу жамоага раис излашганда фаоллар номзод сифа-тида Шухрат Мўминовни бир овоздан билдиришди.

У жамоа ҳўжалиги раҳбари бўлиб иш бошлашдаёқ ҳудуддаги оқсоқол-лар, кўп йиллар шу ҳўжаликда меҳнат қилган фидойиларни тўплаб, уларнинг маслаҳатини олди. Жа-моа бир тану бир жон бўлиб меҳнат қилди. Гарчи унинг бу ҳўжаликдаги раҳбарлик йиллари мураккаб бир паллага тўғри келиб қолган бўлса-да, у бундан ўзини йўқотиб қўймади, аксинча, кўпроқ меҳнат қилди, қўл остидагилар ҳам самимий бу инсон-нинг атрофида бирлашдилар. Натижа узок куттирмади, кўп ўтмай, ҳўжалик-даги аҳвол яхшилаана бошлади.

1995 йилда шу ҳўжалик, яъни ҳозирги Ойтамғали маҳалласида касб-ҳўнар мактаби ташкил этилди. Туман раҳбарлари ҳеч иккилан-масдан Шухрат Мўминовни филиалга раҳбар этиб тайинлашди. Шундан сўнг Шухрат Мўминов то нафақага чиққунига қадар таълим соҳаси-да фаолият юритди. Фидойи, ти-ниб-тинчимас инсонлар учун аслида пенсия ёшининг ўзи йўқ.

Ёнимиздаги одамлар



- Шухрат ака маҳаллаамизнинг энг фаол нуронийларидан ҳисобланади, - дейди Оқдарё туманидаги "Ой-тамғали" маҳалла фуқаролар йиғини раиси Алижон Жалолов. - У киши маҳаллада ижтимоий-маънавий муҳит барқарорлигини таъминлаш, жиноят ва ҳуқуқбузарликларнинг олдини олиш, ажрим ёқасида турган ёш оилаларни яраштириш, тўйларни камчиқим, тартибли ўтказиш каби масалаларда ўзининг муносиб ҳисса-сини қўшиб келмоқда. "Бир нуроний - ўн ёшга таъсир" кўрик-танловидида фахрли ўринларни эгаллаб, "Ну-роний" жамғармаси республика бoшқаруви фахрий ёрлиғи ва пул мукофотлари билан тақдирланди.

Қўлдан газета тушмагани учун доим бугунги ислохотлардан хабар-дор. Одамлар турли соҳалар бўйи-ча маслаҳат сўраб келади, у киши ҳаммага ёрдам беради, одамларни эшитилади.

- Тўрт йил олий таълим даргоҳи-да ўқиган билан инсон зиёли бўлиб қолмайди, - дейди Шухрат ака доим. - У мудом ўқиши керак. Бугун вақти йўқли-ги, иши кўплигини баҳона қилиб китоб ўқимай қўяётган ўқитувчиларни ҳам кўряпмиз. Бу кеңирилмас ҳолатдир.

Шухрат аканинг оиласини ўқи-тувчи, зиёлилар оиласи, деб айтиш мумкин. Турмуш ўртоғи Моҳия Эш-монова 30 йил мактабда дарс берди. Фарзанд, неваралари ҳам шу йўлдан боришаётир. Тўрт фарзанд, у нафр набиранинг тарбиясида бо-бо-бувисининг роли катта. 70 ёшни қаршилаётган Шухрат акага узок умр, сихат саломатлик ва яна узок йиллар фидойилик ила эл дардида юришингизни тилайми!

Йўлчи МУҲАММАДИЕВ,
"Оқдарё овози" газетаси
муҳаррири.

РЕКЛАМА, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

“MATBUOT UYUSHMASI” MIJOZLARI DIQQATIGA!

“MATBUOT UYUSHMASI” MCHJ orqali obuna uyushtirilgan davriy nashrlar o'z vaqtida obunachilarga yetkazib berilishi ustidan qat'iy nazorat o'rnatilgan.

Agar bu borada e'tirozlar, taklif va mulohazalaringiz bo'lsa, quyidagi telefon raqamlariga murojaat etishingizni so'raymiz:

+99866-234-94-37,
+99866-234-93-96,
+99866-234-94-32,
+99866-234-22-53.

“MATBUOT UYUSHMASI” MCHJ
MA'MURIYATI.



DA'VOLAR BO'LSA...

Payariq tumanida xususiy amaliyot bilan shug'ullanuvchi notarius Islomov Shuhrat Qarshiboyevich notarial idorasida marhum Axmedov Jurabek Ergashevichga (2023-yil 30-mayda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Islomov Shuhrat Qarshiboyevich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 13-uy.

Samarqand tumanida xususiy amaliyot bilan shug'ullanuvchi notarius Abdullayev Nodir Jamoliddinovich notarial idorasida marhum Uralboyevichga (2025-yil 7-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdullaev Nodir Jamoliddinovich notarial idorasiga murojaat etishlarini so'raymiz.

Manzil: Samarqand tumani U.Samiyev ko'chasi, 1-uy.

Samarqand shahrida xususiy amaliyot bilan shug'ullanuvchi notarius Xodjaye Farux Farxodovich notarial idorasida marhum G'aniyev Hamitjonga (2008-yil 15-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Xodjaye Farux Farxodovich notarial idorasiga murojaat etishlarini so'raymiz.

Manzil: Samarqand shahri Chuqur yo'l ko'chasi, 9-"B" uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Umedov Buriga (1986-yil 25-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Jo'rayev Mubin Ne'matjonovich notarial idorasida marhum Xaydarova Xafizaga (2018-yil 15-mayda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Jo'rayev Mubin Ne'matjonovich notarial idorasiga murojaat etishlarini so'raymiz.

Manzil: Samarqand shahri Abdurahmon Soniy ko'chasi, 1-uy.

Oqdaryo tumanida xususiy amaliyot bilan shug'ullanuvchi notarius Sa'dullayev Jamshidxon Safoxonovich notarial idorasida marhum Umirov Saydirasul Uroqovichga (2024-yil 31-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Sa'dullayev Jamshidxon Safoxonovich notarial idorasiga murojaat etishlarini so'raymiz.

Manzil: Oqdaryo tumani Loyish shaharchasi Amir Temur ko'chasi.

Oqdaryo tumanida xususiy amaliyot bilan shug'ullanuvchi notarius Sa'dullayev

G'ALLA YETISHTIRUVCHI SUBYEKTLAR DIQQATIGA!

O'zbekiston Respublikasi Prezidentining 2022-yil 28-yanvardagi "Qishloq xo'jaligi ekinlari urug'chiligini yanada rivojlantirish bo'yicha qo'shimcha chora-tadbirlar to'g'risida"gi PQ-106-sonli hamda O'zbekiston Respublikasi Vazirlar Mahkamasining 2025-yil 18-martdagi 166-sonli "Qishloq xo'jaligi ekinlari urug'chiligi sohasida "E-urug'" axborot tizimini joriy etish chora-tadbirlari to'g'risida"gi qarorlariga asosan, qishloq xo'jaligi ekinlari urug'larini yetishtirish huquqiga ega bo'lish bo'yicha elektron tanlovlarni "E-urug'" axborot tizimida 15-iyuldan 5-avgustga qadar o'tkazish belgilab qo'yilgan.

Hududlar bo'yicha tanlovda ishtirok etish istagi bo'lgan subyektlar joriy yilning **15-iyulidan 5-avgustga** qadar **"e-urug'"** (e-seeds) tizim orqali o'rnatilgan tartibda ariza topshirishlari mumkin.

Qo'shimcha ma'lumotlar "Urug'chilikni rivojlantirish markazi" DM Samarqand viloyat boshqarmasi tomonidan beriladi. Murojaat uchun telefonlar: +99866-233-78-80; +99893-343-34-33; +99893-344-34-24.

Jamshidxon Safoxonovich notarial idorasida marhum Ibragimov Ziyadullo Maxmudovichga (2024-yil 23-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Sa'dullayev Jamshidxon Safoxonovich notarial idorasiga murojaat etishlarini so'raymiz.

Manzil: Oqdaryo tumani Loyish shaharchasi Amir Temur ko'chasi.

Narpay tumanida xususiy amaliyot bilan shug'ullanuvchi notarius Pardayev Mehridin Muhiddin o'g'li notarial idorasida marhum Xusanov Shuxrat Raxmatovichga (2024-yil 5-avgustda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Pardayev Mehridin Muhiddin o'g'li notarial idorasiga murojaat etishlarini so'raymiz.

Manzil: Narpay tumani "Alisher Navoiy" MFY, Amir Temur ko'chasi.

Jomboy tumanida xususiy amaliyot bilan shug'ullanuvchi notarius Mirzayeva Barno Jo'raqulovna notarial idorasida marhum Usmonova Azizaga (2024-yil 1-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mirzayeva Barno Jo'raqulovna notarial idorasiga murojaat etishlarini so'raymiz.

Manzil: Jomboy tumani Zebiniso ko'chasi 4-"A" uy.

Samarqand tumanida xususiy amaliyot bilan shug'ullanuvchi notarius Abdullayev Nodir Jamoliddinovich notarial

idorasida marhum Haydarova Sanobar Rustamovnaga (2023-yil 22-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Abdullaev Nodir Jamoliddinovich notarial idorasiga murojaat etishlarini so'raymiz.

Manzil: Samarqand tumani U.Samiyev ko'chasi, 1-uy.

Payariq tumanida xususiy amaliyot bilan shug'ullanuvchi notarius Ashurova Dilafuz Ziyodullayevna notarial idorasida marhum Ibragimov Mahamatga (2016-yil 31-martda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Ashurova Dilafuz Ziyodullayevna notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 110-uy.

Samarqand shahrida xususiy amaliyot bilan shug'ullanuvchi notarius Yusupova Dil-sura Hasanovna notarial idorasida marhum Sabirov Pardakul Naimovichga (2024-yil 24-oktabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yusupova Dil-sura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Jomboy tumanida xususiy amaliyot bilan shug'ullanuvchi notarius Mirzayeva Barno Jo'raqulovna notarial idorasida marhum Xusanova Sotiboldiga (2017-yil 23-noyabrda

vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mirzayeva Barno Jo'raqulovna notarial idorasiga murojaat etishlarini so'raymiz.

Manzil: Jomboy tumani Zebuniso ko'chasi, 4-"A" uy.

Samarqand shahrida xususiy amaliyot bilan shug'ullanuvchi notarius Narzullayeva Lola Shukurullayevna notarial idorasida marhum Melikyans Georgiy Surenovichga (2024-yil 30-dekabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Narzullayeva Lola Shukurullayevna notarial idorasiga murojaat etishlarini so'raymiz.

Manzil: Samarqand shahri Nodirabegim ko'chasi, 5/1-uy.

BEKOR QILINADI

Marhum Urunov Shodikulga qarashli Samarqand shahri "Xo'ja Ahror Vali - 1" MFY, Zarafshon ko'chasi, 50-uy-joyning (kadastr raqami - 31104563900040) kadastr hujjatlari yo'qolganligi sababli bekor qilinadi.

"Urgut tuman madaniyat bo'limi" davlat muassasasining (STIR: 200784697) dumaloq gerbli muhri yong'inda yonib ketganligi sababli bekor qilinadi.

Past Darg'om tumanidagi "UTKIR-BEK SHOXSANAM" oilaviy korxonasining (STIR: 306067964) dumaloq muhri va burchak tamg'asi yo'qolganligi sababli bekor qilinadi.

Har safar shunday bo'ladi, savolimga aniq javob ololmayman. "Qanday jinoyat sodir etgandingiz?", degan savolimni suhbatdoshim go'yo eshitmaganday, boshqa voqealar haqida gapira boshlaydi. Bu gaplarni umumiy xulosalaganimda "aslida men aybdor emasdim, falonchi aybdor yoki pismadonchilar aybdor edi, ular meni shu muhitga olib kirishdi, shunga majbur qilishdi..." va hokazo. Ilgarilari savolni to'g'ri bera olmayotgandirman, balki ularga boshqacharoq yondashishim kerakdir, degan fikrga bordim. Undan keyin qancha mutaxassislar bilan gaplashdim va bildimki, bu oddiy hol ekan. Ayniqsa, ayol o'zi sodir etgan jinoyatni boshqaga aytishi juda og'ir kecharkan.

Jinoyatga yo'l bir daqiqalik, tan olish esa...

KO'ZA KUNIDA SINISHI BOR GAP

Galdagi suhbatdoshim ham savollarimga ikkilanibroq javob berdi.

- Bu yerga o'rgandingizmi?
- Odamzot hamma narsaga o'rganarkan. Garchi, ilgari bu yerlar haqida boshqacha tasavvur qilgan bo'lsam ham.
- Qanday tasavvur qilgansiz?
- Faqat men emas, aslida qamoqxona haqida hammaning qarashlari bir xil bizing jamiyatda.
- Qanday?
- Bu yerdagi odamlar filmlarda ko'rsatilgan-day vahshiy, dahshatli. Qamoqdan chiqqan odam tamom bo'lgan, butunlay odamiyligini yo'qotgan kabi tasavvur bor edi-da. Aslida xato qilishga hammamiz moyilmiz. Nafsning bir daqiqalik qutqusi ham odamlarni nima ko'ylarga solmaydi?.. Yoki odamdagi zo'ravonlik qanday jinoyatlarga yetaklamaydi, odamni deysiz.
- Lekin shu qutqu natijasida uzoq yil ozodlikdan mahrum bo'lish mumkin. Siz ham bilgansiz-ku, shunday bo'lishini.
- "Ko'za kunda emas, kunida sinadi", degan maqol naqadar topib aytilgan. Noqonuniy dori vsitalari sotganman. Ozigina ko'proq pul ishlab topaman, degan xayolga borganman.
- Lekin bu dorilar taqiqlanganini bilgansiz-ku, qolaversa, zararini ham.
- Men qilmasam, boshqalar ham qilib yotibdi-ku, degan xayol odamga biroz taskin beradi.
- Bu yerda nima bilan o'zingizni ovutasiz?
- Ayollar manzil koloniyasida kutubxonaga mas'ulman. Ko'p kitob o'qiyman. Umuman, bu yerda kitob o'quvchilar soni ko'p. Kitoblar ko'p ayollarning fikrlash tarzini o'zgartirayotganiga guvoh bo'lyapman.

Ha, har qanday xatoning oqibati bor, jazosi bor. Afsus, bu yil ham viloyatda xotin-qizlar o'rtasida sodir etilayotgan jinoyatlar avvalgi yildan oshmagan bo'lsa-da, ammo raqamlar kishini xavotirga soladi. Har oyda o'rtacha 20-30 nafar ayol jinoyatga qo'l urmoqda. Bu degani har kuni bitta ayol jinoyatning qaysidir bir turiga sherik.

FIRIBGARLIK OSHGAN

- Bu yil ham ayollar orasida sodir etilgan jinoyatlardan firibgarlik yuqori o'rinni egallagan, - deydi viloyat IIB huquqbuzarliklar profilaktikasi boshqarmasi boshlig'i o'rinbosari, podpolkovnik Nigora Yodgorova. - Lekin ular orasida o'g'irlik jinoyati soni keskin oshgan. Ushbu jinoyatni sodir etganlar orasida uni

bir necha marta takrorlagan ayollar soni ko'p. Keyin esa yengil tan jarohati yetkazish holati o'rin olgan.

Ayollar ishtirokidagi jinoyatlar ko'proq Samarqand shahrida sodir bo'lgan. Jomboy, Ishtixon tumanlarida ham bu ko'rsatkich oshgan. Qolaversa, keyingi yillarda Urgut, Qo'shrabot, Paxtachi tumanlarining chekka hududlarida istiqomat qilayotgan ayollar tomonidan ham jinoyatlar sodir etilmoqda. Ta'kidlash kerakki, bir paytlar ushbu hududda ayollar ishtirokida huquqbuzarlik deyarli sodir etilmas edi.

Xotin-qizlar orasida jinoyatchilikning oldini olish uchun mahalla faollari bilan hamkorlikda ayollarning muammolari manzilli o'rganilmoqda. Natijada inspektorlari-miz tomonidan yetti mingga yaqin muammolar aniqlandi, 1375 ta oila ajralish arafasida ekani bilindi. Ularning har biriga mahalla faollari va qator tashkilotlar hamkorligida ko'mak ko'rsatildi. Zo'ravonlikka uchragan jabrdiydalarga himoya orderlari berish davom etmoqda. Bu yil 1261 nafar xotin-qizlarga order berildi, bu o'tgan yilning mos davrigacha berilgan himoya orderlaridan qariyb uch baravar ko'pdir. Shuningdek, ilgari sudlangan ayollarga ham alohida e'tibor qaratildi.

Umuman, jinoyatchilikni kamaytirish uchun ayollar muammolariga ko'proq e'tibor qaratish kerak.

Mutaxassisning fikricha, ayollarni jinoyatga undovchi umumiy faktorlar mavjud emas. Aksar hollarda xotin-qizlar tezroq va oson boyib ketish haqida o'ylab, jinoyatga qo'l urmoqda.

JINOYAT QAYD ETILMAGAN MAHALLA

Nurobod tumani Mehnatkash mahallasida bir necha yilardan buyon xotin-qizlar o'rtasida jinoyatchilik kuzatilmagan. Uch ming 700 nafar aholi istiqomat qiladigan ushbu mahallada 1642 nafar xotin-qiz istiqomat qiladi.

- Oilalardagi muammolarni joyida bartaraf etishga harakat qilamiz, - deydi mahalla xotin-qizlar faoli Xolida Murtazova. - To'g'ri, hududda xotin-qizlarning bandligini ta'minlash muammo, aholi asosan chorvachilik bilan shug'ullanadi. Lekin ko'pchiligining qo'lida hunari bor. Qolaversa, yaqinda mahallamizga qo'shni bo'lgan Oqsoy mahallasi turizm qishlog'iga aylantirildi. Bu yerda oilaviy mehmon uylari, dam oluvchilar uchun sharoitlar yaratilmoqda. Mahallamiz ahli qo'shni mahallada ishlab, ro'zg'orini tebratmoqda.

Notinch oilalarni doimiy nazoratga olamiz. Shu yil ro'yxatga to'rtta shunday oila kiritildi. Ular orasida turli nizolar, kelishmovchiliklar avj olmasligini ta'minlash maqsadida butun mahalla faollari ishlaydi. Shuning uchunmi, bir necha o'n yillardan buyon xotin-qizlar orasida jinoyatchilik kuzatilmagan, ajrimlar qayd etilmagan.

Gulruh MO'MINOVA.

SOG'LOM OILA – JAMIYAT USTUNI

"Zarafshon"ning maxsus sahifasi



-Sayohat ham
salomatlik ekan,
egachijon...
-Esachi, ham
salomatlik,
madaniyat,
ma'naviyat degani
sayohat!

Jaziramadagi

salqin ichimliklar

Davlatning boyligi xalqining sog'ligidir. Vaholanki, sog'lom ota-onadan sog'lom bola dunyoga keladi. Shuning uchun taraqqiy topgan davlatlarda aholi salomatligi birinchi vazifa hisoblanadi. Zero, bu ishga insonning o'zi ham mas'ul.

Bugungi kunda ob-havoning judayam isib ketishi natijasida chanqoqbosdi ichimliklarni iste'mol qilishga ehtiyoj tabiiyki ortgan. Lekin chanqoqni bosuvchi ichimliklar afsuski, savdo do'konlarida old qismidagi ochiq joylarda, ya'ni jazirama issiqda do'konning eshigi yonida, jazirama quyosh ostida taxlanib yotibdi.

Yuqori harorat qavat-qavat bo'lib taxlanib turgan shu plastik idishlarda saqlanayotgan ichimliklarga ziyon yetkazmaydimi? Albatta, ultrabinafsha nurlar ichimliklarga ziyon yetkazadi.

Sotuvchilar shaxsiy manfaatini barcha narsalardan ustun qo'yib, xalq sog'ligini o'ylamay, jazirama issiqda qolib ketgan ichimliklarni sotishyapti. Nafaqat ichimlik, ba'zi qadoqlangan shirinlik va bolalar iste'mol qiladigan mahsulotlar ham xuddi shunday, issiqda qolib ketgan holda sotilmoqda. Ularning iste'molga yaroqsiz bo'lib qolgan tashqi belgilar bilan bilinmas, ammo oshqozonga tushgach, qanchalik nojo'ya ta'sirlarni keltirib chiqarishi aniq-ku.

Ma'lumotlarga ko'ra, quyosh nuri ta'sirida plastik suv

Bolalikda kam-

sitilgan, doimiy tanqid ostida bo'lgan bolalarda katta yoshda o'ziga nisbatan ishonch yo'qoladi.

"Men yaramayman", "men hech narsaga arzimayman" degan his ularni hayotda imkoniyatlardan chetda qolishga majbur qiladi. Travma olgan bolalar ulg'aygach, g'azab, qo'rquv, xavotir, yolg'izlik kabi tuyg'ularni boshqarishda qiynaladi.

Ko'p hollarda ular bu tuyg'ularni bostirishga harakat qiladilar yoki noto'g'ri yo'llar (giyohvandlik, haddan ortiq ishlash, ijtimoiy izolyatsiya) orqali bu holatni "davolashga" urinadilar. Travma ko'pincha ishonch muammosiga olib keladi. Bunday odamlar boshqalarga yaqinlashishdan qo'rqadilar yoki haddan ortiq yopishib olishadi. Har ikki holatda ham sog'lom munosabatlar qurilishi qiyinlashadi. Psixologik travmalar faqat ruhiy emas, balki jismoniy salomatlikka ham ta'sir qiladi. Amerika psixologiya assotsiasiyasining tadqiqotlariga ko'ra, surunkali stress organizmda kortizol miqdorini oshiradi va bu immunitet pasayishi, yurak-qon tomir muammolari, uyqu buzilishi, hatto surunkali og'riqlarga olib keladi.

Yaqinda markazimizga 9 yoshli bolani olib kelishdi. Aytishlaricha, u maktabda boshqa bolalardan yiroq yuradi, ko'p hollarda sukut saqlab, qo'rqqan holda atrofga qarab turar ekan. O'qituvchilari uning darslarga qiziqmay qolganini, ko'p hollarda sababsiz yig'layotganini payqashgan. Bolaning onasi markaz psixologiga murojaat qilgach, ma'lum bo'lishicha, oilada ruhiy va jismoniy zo'ravonlikka duch

kelgan. Otasi tez-tez g'azablanar, ba'zida bolasi va xotiniga qo'l ko'taradi.

Tajribali psixolog tomonidan bir necha oy davomida bola bilan individual psixoterapevtik mashg'ulotlar olib borildi. Avvaliga unda ishonch yo'q edi, suhbatlashishni istamasdi. Ammo vaqt o'tishi bilan u o'zini xavfsiz his qila boshladi. Suhbatlar davomida o'z hissiyotlarini ifodalashni o'rgand. San'at terapiyasi o'yin terapiyasi va emotsiyalarni ifodalash usullari yordamida bola asta-sekin tiklana boshladi. 6 oy o'tib, u maktabga qayta moslashdi, do'stlari bilan erkin o'ynay boshladi. Bugun u bolalar kutubxonasiga qatnaydi va "kelajakda psixolog bo'laman, boshqa bolalarga yordam beraman", deydi.

Travmadan qutulish uchun mutaxassis bilan suhbat travmani ongli ravishda anglash va qayta ishlashda yordam beradi. Yoga, meditatsiya, nafas mashqlari tana va ong o'rtasidagi muvozanatni tiklaydi. Kundalik yuritish, san'at terapiyasi (chizish, kuylash, raqs), ishonchli inson bilan suhbat ichki og'riqni so'z orqali chiqarishning foydali usullari.

Gulruh NARZIKULOVA,
Samarqand shahar "Inson"
ijtimoiy xizmatlar markazi bolalar psixologi.



idishlaridan zararli uchuvchi organik birikmalar (VOC) ajralib chiqadi. Bu ko'plab kasalliklarga sabab bo'lishi mumkin. Mazkur tadqiqot natijalari "Eco-Environment & Health" ilmiy jurnalida chop etilgan.

Jinan universiteti qoshidagi Guangdong asosiy atrof-muhit ifloslanishi va salomatlik laboratoriyasi tomonidan olib borilgan ilmiy izlanishlar shuni ko'rsatdiki, quyosh nuri plastik idishlardan VOClarning ajralib chiqishiga sabab bo'ladi.

VOClar inson salomatligiga zarar yetkazishi, bu esa vaqt o'tishi bilan bosh og'rig'i, bosh aylanishi va hatto jigra hamda buyrak yetishmovchiligiga yoki saraton kabi jiddiy muammolarni keltirib chiqarishi ham mumkin.

Tadqiqotchilar quyosh nuri ta'sirida olti turdagi plastik suv idishlarini tahlil qildi. Natijalar shuni ko'rsatdiki, barcha shishalar alkanlar, alkenlar, spirtlar, aldegidlar va kislotalarni o'z ichiga olgan VOC aralashmasini chiqaradi. Ushbu VOClarning ba'zilar, masalan, N-geksadekan juda zaharli va hatto kanserogendir.

Tadqiqotni olib borgan mashhur doktor Huase Ou ushbu emissiya bilan bog'liq xavfning jiddiy ekanligini ta'kidladi. Uning aytishicha, quyosh nurining uzoq ta'sir qilishi ushbu zararli birikmalarning konsentratsiyasini oshirishi mumkin.

Bu holatni nazorat qiladigan sanepidqo'mita xodimlari nega bu masalaga e'tibor qaratmayapti?

Tairjon MAMATOV,
iste'fodagi podpolkovnik.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 13 893 nusxada chop etildi. Buyurtma 339. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.
Korxona manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.
Bosishga topshirildi: soat 19:00

Navbatchi muharrir:

A.SHERXOLOV.

Navbatchi:

Y.MARQAYEV.


Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



Sotuvda narxi kelishilgan holda